

11 Augustus 2011

Jaargang 4 – Uitgawe 26

## In hierdie uitgawe

- Voorblad
- Beroepe en standplase
- Predikante en gemeentes
- Ander nuus
- Agterblad



Teken in op *e-Hervormer* en ontvang elke uitgawe gratis per e-pos!

- Besoek die webwerf by [www.hervormer.co.za](http://www.hervormer.co.za) en klik op die "Teken in"-opsie; of
- stuur 'n e-pos aan [karen@nhk.co.za](mailto:karen@nhk.co.za)

Nuus, berigte en kort kommentaar (uiters 100 woorde) aan [produksie@nhk.co.za](mailto:produksie@nhk.co.za)

## VOORBLAD

### Hoe bring die kerk genesing?

**Wat maak die kerk met hulle wat buite die kerk is omdat hulle seergekry het binne-in die kerk? (Lees ook Matteus 8: 28-34)**

Wanneer 'n professionele rugbyspeler 'n besering opdoen, word geen moeite of koste ontsien nie dat hierdie besering genees. Ons wil ook nie hê dat iemand van ons vriendekring of huisgesin seer het nie. Ons sal enigiets doen om hul seer beter te maak.

Wat maak die kerk, wat die gestalte is van God se huisgesin, wanneer iemand in die kerk seerkry en besluit om hulle los te maak van die kerk?

Mense maak hulself los van die kerk, maar nie noodwendig los van God nie. Daar is 'n verskil. Baie mense wat hulself losmaak van die kerk en *buite* staan, het steeds 'n verhouding met God. Hulle staan *buite* die kerk omdat hulle seergekry het *binne-in* die kerk, daar waar hulle veilig moet voel en troos kry.

Jesus gaan 'n vreemde landstreek binne, en twee mans in die mag van beseerde geeste nader Hom. Hulle is gevaarlik en erken Hom as die Seun van God. In hul vraag aan Jesus, *Het U hierheen gekom om ons voor die tyd te pynig?* hoor 'n mens hul hartseer. Hul samelewing het hulle uitgeskuif en verwerp. Al wat hulle ken, is 'n lewe van seer. In hul vraag aan Jesus hoor jy: *Wat het U met ons gemeen? Ons het seer, gaan weg van ons af, want ons is bang dat U ons ook kom seermaak.* Al wat hulle ken, is mense wat hulle seermaak – Jesus kom maak hulle heel. Hulle verwag seer, maar hulle kry genesing.

Wil mense wat seer gekry het in die kerk en gebreek het met die kerk nie dalk ook wanneer die kerk 'n hand na hulle uitreik, vra nie: *Kom julle my nou weer seermaak?* Die kerk kan nie na hulle wat seergekry het uitreik deur te domineer en 'n magspel te speel nie. Die kerk reik uit deur te ondersteun, te dien en liefde te gee. Dit is presies wat Jesus ons leer. In God se koninkryk is daar nie plek vir mag nie. Dit gaan eerder daarvoor om die minste te wees en om ander te dien as om mag en gesag na te jaag.

Hulle wat seergekry het in die kerk en buite die kerk is, is mense vir wie die kerk in 'n stadium hul tuiste was soos dit nou vir ons is. Dis mense soos ons, maar in sommige gevalle ook mense wat anders is as ons, anders oor dinge dink as ons, die lewe anders sien as wat ons dit sien.

Maak ons nie soms die fout om hierdie mense met 'n baie mooi vermomde geweld terug in die kerk te probeer dwing nie? Verkondig eerder aan hulle die evangelie en wys vir hulle in die manier waarop ons hulle hanteer hoe God se liefde lyk.

As ons bely dat ons God se kinders is, mag ons nie hulle wat buite die kerk is omdat hulle binne-in die kerk seergekry het, ignoreer nie. Die kerk, ons, moet met die taal praat wat Jesus gepraat het, 'n vreemde taal vir die wêreld en wat mense in sy opregtheid soms skok, en uitreik na hulle wat buite sit.

Hoe belangrik is dit vir ons dat hulle wat buite is omdat hulle seergekry het, gesond word en weer deel van hierdie gemeenskap van gelowiges word?

## Skakels

Webblad van die Hervormde Kerk [www.nhk.co.za](http://www.nhk.co.za)

Die Hervormer

e-Hervormer

Indien u nie weer die e-Hervormer wil ontvang nie, klik op [www.hervormer.co.za/cancel.html](http://www.hervormer.co.za/cancel.html)

[www.hervormer.co.za](http://www.hervormer.co.za)

[www.hervormer.co.za/e\\_Hervormer.html](http://www.hervormer.co.za/e_Hervormer.html)

Dr Robert Jones, Kriel



# BEROEPE EN STANDPLASE

Kontak die webbladredakteur, prof Ernest van Eck, by [ernest.vaneck@up.ac.za](mailto:ernest.vaneck@up.ac.za) om vakante standplase op die Kerk se amptelike webblad by [www.nhk.co.za](http://www.nhk.co.za) te plaas. Onthou asseblief dat 'n standplaas eers vakant verklaar moet wees voordat dit geadverteer mag word. Kontak dr Frikkie Labuschagne by 012 322 8885 x256 in dié verband.

## Vakante standplaas

- **Gemeente Sasolburg** beskik oor 'n **vakante volsorgstandplaas**. Predikante met die vermoë om met alle mense, ook kinders, te werk, wat sensitief en vol liefde is, en wat graag wil inskakel by die gemeente, kan aansoek doen. Stuur 'n volledige CV **voor of op 25 Augustus 2011** aan die skriba van die gemeente by [nhksasolburg1@absamail.co.za](mailto:nhksasolburg1@absamail.co.za).

## PREDIKANTE EN GEMEENTES

- **Ds Berend Greyling** van gemeentes Bethlehem/Reitz het op 23 Julie met Leonie in die huwelik getree. Baie geluk aan die egpaar!

- **Die volgende predikante verjaar tot 19 Augustus**, en word hartlik geluk gewens.

- Saterdag 13 Augustus: Ds Jan de Wet (Bybelgenootskap)
- Sondag 14 Augustus: Di Arno Nieuwhof (Witbank/Witbank-Noord) en Koos Snyman (emeritus)
- Maandag 15 Augustus: Ds Rita de Kock (Villiers)
- Woensdag 17 Augustus: Ds Douw Steyn (emeritus)
- Donderdag 18 Augustus: Dr Gafie van Wyk (Kaapstad)
- Vrydag 19 Augustus: Di Berend Greyling (Bethlehem/Reitz), Hennie la Grange (Christelike Seemansorganisasie Londen), John Putter (Drie Riviere), Tharina Steenkamp (Potchefstroom) en dr Christo Viljoen (emeritus)

- **Die coolste Landwye Bybelvasvra nog!** Ons gaan die hele naweek van 9-11 September kamp, vraestelle skryf en saam kuier. Die kamp word gehou by Kwaggasrus naby Beestekraal. Die koste is soos volg: **VIR DIE HELE KAMP**: Die kamp kos net R160 vir die HELE naweek. Daarvoor kry jy 5 etes, warm, gemaklike slaapplek, speletjies, aktiwiteite, die Vasvra self en nog baie meer! **VIR DAGBESOEKERS** (slegs Vasvra op Saterdagoggend): R50 per persoon. **Depositó's** van R300 per span moet **voor of op 26 Augustus** betaal word. Volledige betaling moet voor of op 2 September betaal word. Betalings kan gemaak word aan: Raad van Finansies; ABSA; rekening nommer: 020 000 287; takkode 632 005; verwysing 16RVGS. Die bewys van betaling MOET gestuur word aan: Sarie Roux, faksnommer 086 633 2913, e-pos [kassier@nhk.co.za](mailto:kassier@nhk.co.za). Vir enige verdere inligting, kontak ds Stephen de Beer by 083 781 2955; ds Marna Naudé by 078 639 1278; ds Willem Dykema by 082 560 4772; of ds Marius Bacon by 083 297 6135.

- **Bejaardesorg – Vervoerprobleme van bejaardes.** Die Kerk se studie toon dat hoe ouer bejaardes word, hoe groter word hul vervoerprobleme, onder andere weens verswakkende oë en reaksietyd. Bejaardes se motors word ook saam met hulle ouer, terwyl brandstof en loopkoste duurder word. Bejaardes in ouetehuse en aftree-oorde word dikwels deur die tehuis gehelp, maar nie in alle gevalle nie. Baie bejaardes se kinders help hulle, maar meer en meer ontwikkel vervoerprobleme. Dit perk ook hul onafhanklikheid in – wat dikwels 'n baie negatiewe uitwerking op hul emosionele toestand het. Ons as Kerk sal saam met die bejaardes in ons gemeentes moet beplan hoe ons hulle kan help. Die **AGB (Aksiegroep vir Bejaardes)** is gestig om te werk aan hulpmiddels en riglyne vir individue en gemeentes in die versorging van bejaardes. Kan jy help? Kontak ons met inligting, hulpmiddels of vrae. Die voorsitter van die komitee, dr Hennie van Deventer, sal by gemeentes en ringe kom help. Kontak hom by [htvd@worldonline.co.za](mailto:htvd@worldonline.co.za) of 082 786 8448 om erediens te lei en gemeentes of ringe toe te spreek oor die enorme uitdaging wat bejaardesorg in die toekoms aan ons gaan stel.

- **Hoof: Hervormde Teologiese Kollege.** Die Nederduitsch Hervormde Kerk van Afrika wag aansoeke in vir die pos van Hoof van die Hervormde Teologiese Kollege (HTK) wat gesetel is by die Universiteit van Pretoria.

### Die geskikte kandidaat sal aan die volgende vereistes voldoen:

- 'n Senior, geordende predikant van die Nederduitsch Hervormde Kerk van Afrika.
- 'n Gepromoveerde in die Teologie, verkieslik in die Praktiese Teologie, omdat 'n groot deel van die praktykvorming op die terrein van die Praktiese Teologie lê.
- Iemand met gesonde en gebalanseerde interpersoonlike verhoudings wat by die studente vertrou inboesem en wat met ander kollegas in 'n veelkerklike Fakulteit goeie verhoudings kan bou.
- Iemand wat deur selfstudie en navorsing op die hoogte is en kan deelneem aan die huidige teologiese diskoers.



- Die kandidaat sal ook lesings moet aanbied vir studente, asook ander kursusse soos en wanneer nodig.
- Rekenaarvaardig, veral in MS Office.

**Die pos bied die volgende voordele:**

- Mededingende salaris met die Kerk se traktementskale as riglyn.
- Ruim verlof.
- Maatskappymotor of motortoelaag.

Indien u meen dat u die geskikte kandidaat vir die pos is, kan u 'n verkorte CV **voor of op 19 Augustus 2011** stuur aan Piet Beukes by e-pos **piet@nhk.co.za** of faks 086 630 5150.

- Gemeentes kan gerus kennis neem van die **nuwe pryse van ons kerklike publikasies**. Vir 2012 is die pryse soos volg:

*Almanak/Bybelse Dagboek:* R110  
*Die Hervormer* (11 uitgawes): R100 (R10 per individuele eksemplaar)  
*Konteks* (10 uitgawes): R140 (R15 per individuele eksemplaar)

- **Preekbeurt in Dullstroom.** Predikante kan by Gemeente Dullstroom preek en gratis verblyf vir die naweek kry. Die verblyf is vir die predikant en sy/haar gade en 'n voorskoolse kind. Vir ander kinders moet self betaal word. Kontak Johanna by **nhkdullstroom@yahoo.com** of 072 116 3353.
- 'n Ruim **enkelwoonstel** is onmiddellik beskikbaar binne stapafstand van die Universiteit van Pretoria. Die woonstel is geleë op die kerkterrein van **Gemeente Philadelphia** en word verhuur teen R3 500 per maand (water en ligte ingesluit). Daar is veilige parkeerplek vir 'n motor. Skakel Esmé Bolton by die gemeentelike kerkkantoor (012 362 7237) of dr Sanrie de Beer (083 226 1866) vir meer inligting.
- **Gemeente Wonderboompoort** beskik oor **blyplek in Eloffsdal**, Pretoria: Huis Eloff (alle ouderdomme). Ruim nuut uitgeverfde kamers met gesamentlike badkamer in gang teen R1 500 per maand vir enkeling. Ingesluit: water en ligte, parkeerplek, gesamentlike kombuis. Naby Mayville Mall en Eugene Marais-hospitaal. Kontak Johan Erickson (jr) by 082 212 2137.

## Toere

- **26 tot 30 September: 2011 Konteks-toer na Laeveld**  
 Onder leiding van **dr Hennie van Deventer**  
 Skakel dr Van Deventer (toerleier) by 082 786 8448  
 of Marius Wiese (toergids) by 082 374 2995

## Konserte tot einde September 2011

- **Saterdag 13 Augustus: NHSV Bothaville: Damestee**  
 09:30 vir 10:00  
 Kerksaal  
 Spreker Yvonne O'Neill, sanger Louis-John  
 Navrae Doutie 056 515 2673
- **Sondag 14 Augustus 16:30: Gemeentes Primrose en Primrose-Oos**  
*Liefde wat heel*  
 Christelike toneelstuk deur Delta C – **www.deltac.co.za**  
 By Laerskool Oosterkruijn  
 Ten bate van Graad 1-Bybelprojek  
 Elke jaar word 'n Bybel aan elke nuwe graad 1-leerling in die skole in Primrose geskenk  
 Volwassenes R50, kinders R30 (sluit ribburger in)  
 Kontak Chris de Wet by 082 699 2295
- **Saterdag 20 Augustus: NHSV Leeudoringstad: Oggendtee**  
 09:00  
 Kerksaal  
 R150 per persoon  
 Kom verdwaal in Hansie en Grietjie se bos en luister na Mathys Roets  
 Kontak Elsa by 082 971 4092 of **elsajvr@suidwes.co.za**



- **Vrydag 9 September: Gemeente Wonderboompoort: Buitelugkonsert**  
Die Campbells, Jeanette van Staden (jodel), Robbie Klay en Ollie die Nar  
By Laerskool Boerefort, Wonderboom-Suid  
Op rugbyveld – bring eie stoel  
R60 (kleuters onder 6 gratis)  
Hekke open 16:00  
Voorkunstenars tree op tot 19:00, wanneer Die Campbells begin  
Kos te koop, veilige parking.  
Vir meer inligting en kaartjies, kontak Sieg Schwarzer  
by 083 288 2779 of 012 335 4181  
of Magda Vermaak by 012 335 1129 / 082 550 2975  
Skole, kerke en ander instansies wat help kaartjies verkoop,  
kry 20% van die verkope!

- **ALLEN KERKORRELS**  
Na 40 jaar van digitale klank –  
steeds die leier in orrelbou  
Skakel ons vandag vir 'n gratis demonstrasie  
Tel 012 991 4930  
Faks 086 667 4680  
Sel 079 497 2647  
E-pos: pieter@allensa.co.za

## Sportbyeenkomste tot einde Augustus 2011

- **Saterdag 13 Augustus: Gemeente Sionspoort: Randfontein EPR Fietswedren**  
120 of 58 km (pad) en 60 of 30 km (bergfiets)  
Wegspring by Tarlton Renbaan  
Besoek [www.sionspoort.org](http://www.sionspoort.org) of [www.cyclelab.com](http://www.cyclelab.com) om in te skryf  
Skakel Johan van Staden by 082 464 1547

## Ander kompetisies en fondsinsamelings tot September 2011

- **Gemeente Erasmia: Pretloop vir Bybels: Saterdag 13 Augustus**  
Ten bate van die Bybelgenootskap  
By die Voortrekkermonument in Pretoria  
Registrasie 07:00 tot 08:00  
Afstande 3 km, 5 km en 10 km  
Medaljes vir almal  
Koste R35  
Kontak Isme by 082 962 2870 of 012 370 3513
- **Gemeente Theresapark: Wildsete: Saterdag 13 Augustus 18:30**  
Chris du Plooy-saal, Hoërskool Gerrit Maritz  
R100 per volwassene, skoliere R50, voorskool gratis  
Kom geniet bosvark op die spit, wildsboud, sosaties, blouwildebees-ribrol, wildspastei, wildspotjie, wildswors,  
stampmielies, krummelpap en vele meer  
Vermaak vir kinders  
Veiling na ete, pryse te wen met trekking  
Navrae 012 542 3568 / 012 542 1321 / 073 099 3699
- **GEMEENTE KOSTER: MOSAMBIEKSE VAKANSIEKOMPETISIE**  
**1ste prys:** 'n Vakansie van 1 week by Tofo in Mosambiek –  
vervoer, alle etes en diepseehengel vir 4 persone ingesluit  
**2de prys:** 1 week selfreis en selfsorg by Witsand in die Kaap  
Kaartjie R50 (koop 10 en kry 1 gratis)  
Sluitingsdatum 31 Augustus  
Kontak Koos Vorster by 082 403 2518



- **Gemeente Noordelike Pretoria: 4de Biltongaand: Saterdag 10 September**  
18:30 vir 19:00  
NG gemeente Wonderboom-Suid, 12de Laan 920, Wonderboom-Suid  
GPS S 25°41'57.8" en O 28°12'20.6"  
Rudi van Niekerk en plaaslike kunstenaars  
R100 volwassenes en R50 kinders onder 12  
Kontak Sarel Viljoen by 083 554 3397 of Marian Jordaan by 082 937 7562  
Bespreking voor 3 September noodsaaklik – geen kaartjies by deur beskikbaar

## Basaars en markte tot Oktober 2011

- **Saterdag 27 Augustus: Gemeente Ottosdal: Oesfees**  
Outydse basaar met pannekoek, poeding, ens  
Vir fietsryers: afstande van 5, 10 en 30 km teerpad  
Vir kleinspan: skopfietswedren  
Karolus en Lente vermaak oud en jonk  
Toegang gratis  
Neem deel aan Oesfeeskompetisie teen R20 –  
kontak Adri Botha by 082 403 5051 of [arbotha.adri@gmail.com](mailto:arbotha.adri@gmail.com)  
Week vakansie vir 6, Wii (rekenaarspeletjie) en slagskaap te wen
- **Saterdag 27 Augustus: Gemeente Premiemyn (Cullinan)**  
**OPPI-STASIE WARM WINTERFEES**  
By Cullinan-stasie, oorkant Cullinan-polisiestasie  
09:00 tot 15:00  
Alles waaraan jy kan dink of kan verslind  
Soek jy waarde vir inflasiegeld?  
Kom koop eetgoed, smulgoed, tot 'n haakspeld  
Vir stalletjiebespreking, kontak Alta by 082 682 1252  
of Annetjie by 082 921 8200  
E-pos: [nhkpm@absamail.co.za](mailto:nhkpm@absamail.co.za)
- **Saterdag 27 Augustus: Gemeente Bronkhorstspuit: Geskenkemark**  
Bespreek stalletjie vir die dag  
Koste per stalletjie R150 (R180 indien 'n kragpunt benodig word)  
Kontak Alta Bester by 082 936 5289
- **Saterdag 27 Augustus: Gemeente Mafeking: Basaar**  
Tema *Kamma-kamma-fees*  
Kerkterrein in Nelson Mandelaweg  
Lichvaal Stereo se buiteuitsendingeenheid saai uit vanaf basaar  
en sorg vir musiek en vermaak  
R50 per inskrywing vir groot pryse soos R10 000 kontant  
Navrae aan Adriaan Redelinghuys by [adriaanred@yahoo.com](mailto:adriaanred@yahoo.com)  
of 082 789 1523
- **Saterdag 3 September: Gemeente Koster: Koster-karnaval**  
Skool se sportgronde  
Uitstallings, baie eetgoed, verskeie sportsoorte  
Bespreek **nou reeds** stalletjie vir die dag  
Koste per stalletjie R300  
Wiele – uitstalling van GWM  
Veiling van Persiese Matte en Boplaas-wyne  
Skakel Harry Smit by 082 807 9208
- **Vrydag 30 September tot Sondag 2 Oktober: Gemeente Zeerust**  
**Bosrumoer MTB Classic**  
Doornrivier, 9 km op Gaberone-pad R49  
Vrydag Oktober-Bierfees  
Saterdag kwadfiets- en pypkar-wedrenne, kompetisies, vermaak en kos  
Akkommodasie beskikbaar  
Navrae aan ds Barrie Oberholzer by 082 211 7926 of [barendob@gmail.com](mailto:barendob@gmail.com)  
of Joe Salim by 079 857 2478 of [jmsplanning@gmail.com](mailto:jmsplanning@gmail.com)



## ANDER NUUS

- **ADMINISTRATEUR.** Die Nederduitsch Hervormde Kerk van Afrika wag aansoeke in vir die pos van Administrateur vir diensaanvaarding met ingang van 1 Januarie 2012.

**Die geskikte kandidaat sal ten minste aan die volgende vereistes voldoen:**

- Bekend wees met die etos van die Kerk.
- Beskik oor 'n bewese bestuursrekord.
- Beskik oor gesonde en gebalanseerde interpersoonlike verhoudings.
- Beskik oor 'n akademiese kwalifikasie op hoë vlak in bestuur, administrasie en finansies, of 'n gelykwaardige kwalifikasie.
- Verdere akademiese kwalifikasies kan 'n aanbeveling wees.
- Rekenaarvaardig wees, veral in MS Office.

Die pos behels die bestuur van die Sinodale Kantoor van die Kerk en skakeling met die gemeentes en ringe van die Kerk sowel as met eksterne persone en liggame, byvoorbeeld die Bybelgenootskap en universiteite. Daarby dien die Administrateur in verskeie van die rade van die diensorgane van die Kerk, en dit vereis dat die kandidaat ook soms uitstедig sal wees.

**Die pos bied die volgende voordele:**

- Mededingende salaris.
- Ruim verlof.
- Maatskappymotor of motortoelaag.

Indien u meen dat u die geskikte kandidaat vir die pos is, kan u 'n verkorte CV **voor of op 19 Augustus 2011** stuur aan Piet Beukes by e-pos [piet@nhk.co.za](mailto:piet@nhk.co.za) of faks 086 630 5150.

- **DPS-STELSEL. Vakature vir pleegouers in die DPS-huis Potchefstroom.** Datum van diensaanvaarding gedurende Desember 2011 maar verkieslik nie later nie as 1 Januarie 2012. **Aansoeke sluit op 16 September 2011.**

**Vereistes:** Getroude egpaar; verkieslik tussen 40 en 55 jaar oud; lidmate van die Nederduitsch Hervormde Kerk; goeie gesondheid; aanvoeling vir kinders.

**Vergoeding:** Suksesvolle ouers sal benewens 'n maandelikse kontantvergoeding en mediese voordele, gratis inwoning binne die DPS-huis ontvang.

**Vir meer inligting,** kontak dr Koos Engelbrecht by 012 322 8885 (w) of 079 884 2880, of ds Willem Kok by 018 294 4187 of 083 664 0058.

- **Die Ondersteuningsraad** bied vanjaar weer vir 'n week tydens die September-skoolvakansie hul **kamp vir ongeveer 80 hulpbehoewende kinders** aan. Maatskaplike werkers van die Raad behartig terapeutiese groepsessies, en studente van Gemeente Philadelphia help met rekreasie en sportaktiwiteite. Fondse word benodig vir die kampterrein, vervoer, drie etes per dag, materiaal vir die rekreasie en sportaktiwiteite, ensovoorts. **Die berekende koste beloop R800 per kind** vir die hele week. **Persone wat graag 'n kind of twee wil borg,** kan met Suzanne van Deventer van die Ondersteuningsraad se Pretoria-kantoor by 012 325 2320 in verbinding tree.

- **Die Ondersteuningsraad** beskik oor die volgende **vakatures:**

- Programbestuurder; minimum 6 jaar statutêre ervaring in maatskaplike werk; vorige bestuurservaring sal 'n aanwinst wees; area Rustenburg/Potchefstroom/Klerksdorp
- Maatskaplike Werkers (x3); areas Tarlton, Krugersdorp en Brakpan
- Maatskaplike Hulpwerker; area Krugersdorp

**Vereistes:** Registrasie by Raad vir Maatskaplike Diensberoepe; Kode 8-bestuurslisensie. Kontak Mariaan Steenkamp by [mariaans@nhk.co.za](mailto:mariaans@nhk.co.za) of Charmaine Fourie by [oraadpb@nhk.co.za](mailto:oraadpb@nhk.co.za), 012 322 8885 x313 of 071 684 7796.

- **Die Ondersteuningsraad** soek dringend na **goedversorgde tweedehandse voertuie** van ongeveer R50 000. Die kilometerlesing moet verkieslik nie meer as 100 000 wees nie. Lidmate wat bewus is van beskikbare voertuie kan Mariaan Steenkamp skakel by 012 322 8885. Slegs voertuie in die omgewing van Pretoria sal oorweeg kan word.

- Op **Vrydag 19 Augustus** bereik vanjaar se viering van die **400ste bestaansjaar van die King James Bybel** 'n hoogtepunt met 'n *Songs of Praise*-geleentheid in die Jesus Dome in Durban. 'n Massakoor onder leiding van Richard Cock tree op en Christopher Cockburn skuif voor die orrel in. Almal is welkom! Toegang is gratis, maar jy benodig 'n kaartjie. Kontak Letitia Timms van die Bybelhuis in Durban by 031 207 4933 of [timms@biblesociety.co.za](mailto:timms@biblesociety.co.za).



- Kom stap op **Saterdag 20 Augustus** op die Durbanse strandfront saam met honderde ander dankbare Christene ter viering van die 400ste bestaansjaar van die King James Bybel. Vir meer inligting, kontak Letitia Timms by 031 207 4933 of [timms@biblesociety.co.za](mailto:timms@biblesociety.co.za).
- **Kongres van die Kerkhistoriese Genootskap van die Nederduitsch Hervormde Kerk**  
Datum: 24 Augustus vanaf 09:00 (Iedevergadering 11:45)  
Plek: Gemeente Pretoria  
Tema: *Die Kerk en politieke verantwoordelikheid: Perspektiewe uit die tradisie*  
Sprekers: Prof Danie Goosen en dr Hennie Botes  
Navrae: Dr Christo Pretorius ([praetorc@telkomsa.net](mailto:praetorc@telkomsa.net), 083 651 9634 of 012 547 0292) of dr Malan Storm ([nhmeyerspark@lantic.net](mailto:nhmeyerspark@lantic.net), 012 803 7528 of 083 308 1030)
- Die **volgende vergaderings** vind tot 19 Augustus plaas. Betrokkes moet hulself asseblief vergewis van die korrekte vergadertye en lokale.
  - Vrydag 12 Augustus: Predikantepensioenfonds; Personeelpensioenfonds
  - Maandag 15 Augustus: Raad vir Regsadvies
  - Dinsdag 16 Augustus: Nagraadse Beurskomitee; Kuratorium
  - Vrydag 19 Augustus: Moderamen; Finkom van die Ondersteuningsraad

#### • **SONGS OF PRAISE**

Sondag 14 Augustus om 15:00

NG Kerk Faerie Glen, Atterburyweg, Pretoria

Richard Cock (dirigent), Eddie Davey (orrel), Pretoria Mannekoor (olv Marina Mentz), Edu-Cantare Koor (olv Riekie van Aswegen), Musica Viventi (Marina Mentz), Johannesburg Festival Brass

Ook met publieke samesang

R110 (volwassenes), R95 (pensioenarisse en kinders onder 18)

Kaartjies verkrygbaar by NG Kerk Faerie Glen

of by deure op dag van uitvoering

Skakel Hennie Mentz by 083 325 5842

of gemeentelike kerkkantoor by 012 361 5310

**Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in die e-Hervormer geplaas word.** Dit bestaan hoofsaaklik uit teks (u kan eenvoudige grafika of 'n foto voorsien), maar daar sal nie onderhandel word oor die uitleg daarvan nie.

Die teks moet saam met die bewys van betaling gestuur word aan mev Tessa Oppermann by [produksie@nhk.co.za](mailto:produksie@nhk.co.za), of per faks na 086 633 4059 of 012 322 7906. GEEN advertensie sal geplaas word sonder dié bewys nie. Die teks en bewys van betaling moet mev Oppermann bereik teen 16:00 op die Dinsdag voor die betrokke uitgawe se verskyning.

Die e-Hervormer word Woensdae saamgestel en verskyn elke Donderdag. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasings. **Die koste is R114 per plasing.** Die verskuldigde bedrag moet uitgemaak word aan:

Raad van Finansies

ABSA Bank

Tjekrekening nommer 020-000-287

Takkode 632-005

**Verwysing: u naam + e-Hervormer Ads**

## AGTERBLAD

### Nuwe boeke vir kinders

**Die volgende boeke is nou in die SENTIK-boekwinkel beskikbaar:**

- *Die Klassieke Kinderbybel Storieboek*  
Vertel deur Johan en Nina Smit  
Vir kinders 8 tot 12 jaar  
R150 (posgeld uitgesluit)



- *Kinders van die Bybel: Dawid* (oor moed)  
Cristina Marques  
Vir kinders 3 tot 6 jaar  
R40 (posgeld uitgesluit)
- *Kinders van die Bybel: Mirjam* (oor intelligensie)  
Cristina Marques  
Vir kinders 3 tot 6 jaar  
R40 (posgeld uitgesluit)

Bestel van mev Susann van Zyl, 012 322 8885 x291, faks 086 633 4054, of per e-pos van [sentik@nhk.co.za](mailto:sentik@nhk.co.za).

Daar is ook 'n volledige weergawe (met foto's) van hierdie nuusbrieff beskikbaar, wat vandeeweek 400 kilogrepe groot is. Vind dié volledige weergawe by [www.hervormer.co.za](http://www.hervormer.co.za), of stuur 'n versoek na [karen@nhk.co.za](mailto:karen@nhk.co.za) om dit weekliks te ontvang.